

清源縣志

卷十七 藝文

卷十八 志餘跋

光緒壬午年重修

濟源縣志
卷之六

稷陽書院藏板

清源鄉志卷之十七上

藝文

歐陽文忠五代史上追班馬而於藝文志著論數百言意固有在矣清源始於春秋歷年二千餘摛英揆藻代不乏人而舊志藝文獨載明以來其前不少槩見何哉蓋典籍之散軼久矣今所錄者亦僅什一千百而已志藝文

重修學宮記

參政 祝 顥 蘇州人

清源鄉志

卷十七上

一

不過百里厥壤瘠鹵樹藝稀薄郭郭之中民居蕭條縣治學宮一切圯陋不堪屬目景泰初予臨是邑謁廟詣學將進諸生考德問業而視講堂岌若巖牆然不敢斯須處退而詢其故咸曰此學創自洪武間東萊黃公嘗辱爲吾邑簿以公才力故克爲之自公去後繼乏其人而又遭時多艱歲迫徵輸縣之政治日入於敝故致茲學之廢久而未復噫今欲修舉而官無貯蓄民無羨餘作興鼓舞非有黃公其人且在高位者殆難矣夫子聞之慨然



勉爲經營新其講堂而他則未及焉繼而聞其縣之舊官亦皆罷去廣陽張玘來知縣事泰安梁盈來典是學與其同官皆能有志興復而顧力弗逮蹙然若疾之在體冀瘳於良醫者久矣今年春二君咸具書遣使踵門告曰學成矣願有記其書之詞曰是學之成實賴參政楊公始終其事焉先是學基病於卑仄舊所建置隨地爲之殊不稱度公乃易其旁近居民隙地西區贍之擴其形勢正其方隅崇其趾級聚材鳩工首新正殿增建兩廡易置倉庫添構齋舍而牆垣戶牖牲牢祭品與凡學之所宜有者次第畢具輪奐森嚴金碧輝映於是瞻仰有儀藏修有所絃誦洋洋過者欣頌始作於天順二年仲夏訖於次年季冬材不妨公役不擾下悉出公之調度經畫吾徒得以安享其成焉然不有記述則何以昭盛美而勸將來耶故茲敢請磨堅以俟嘗觀天下之事興廢有時而其成與否初不在位之高下蓋事有緩急而治有本末惟識者明之而有志者成焉夫學校教化之本也凡有

民社之寄治教之責者當務之急宜莫先矣矧有廢墜者乎然而庸劣弗振者時之可否率莫能爲而能者遇可爲且急於自謀又不暇爲其或爲者苟非志之所存則亦苟且一時而已烏望其克有所成也哉此教化之所以難行良吏之所以罕見而君子之所以恆嘆也方今幸遇聖明在上隆儒右道教化旁流而三晉之間歲豐人和日臻康阜庶富而教將維其時楊公乃能敬承德意順時宣化於茲久敝之邑首事學校冥思默運鼓舞吏民清源鄉志

卷十七上

三

一撤而新之雖其材識過人而亦可以占其志之所存也其視黃公之績甯不有加矣乎夫比事連書發潛昭隱史之義也故並錄之系其出處俾歸而刻之風勵永久庶幾有所興起者焉楊公名璿字叔璣毘陵人正統己未進士任地官至今職所至急於教化多所建明黃公名福字如錫發身庠序官至少保戶部尙書其勳猷節槩載諸簡冊聞之天下而此特試仕之一端云

清丈地畝均糧記

知縣馬天俸 密雲人

太原府清源縣爲丈田畝清浮糧以蘇民困事準本縣知縣馬天俸官稱本職於萬曆九年奉本府知府孫化龍帖文蒙道院明文坐委本職清丈本縣地糧本職出示先令各民自首後親詣丈勘共得地三千一百八十八頃四十六畝七釐以原額夏秋共糧一萬三千六百七十八石三斗八合七勺八抄三撮照數攤派於前丈地內其地五色其糧五等槩縣俱稱均平於是本職將書手四名封鎖公廨捐俸備辦食米造寫都里人戶姓名地畝

清源鄉志

卷十七上

四

長闊四至坐落並何地何糧數目冊則二部又造縣總都總甲總一部俱用印鈐蓋收貯庫內以備查考又以典籍在庫恐書手派糧加減作弊各民不便於對正又每名給與印信地單令其收執俾民曉然皆知己之地段若干畝數若干夏糧共若干內折色若干本色麥若干秋糧共若干內折色若干本色米若干黑豆若干以杜書手加減弊源事歲上之司府轉呈兩院俱蒙報可會薦本職云分邱履文欺隱無容爲奸辨土定賦高下咸得其

當仍令將丈過地畝高下徵糧等則刊石豎立本衙以垂永久竊照本職昔承是委率同本縣丞今陞臨川縣宋承規典史楊潤不辭胼胝沿邱履地先丈其地畝之多寡次查其土脈之肥磽有田方派以糧則壤以成其賦凡昔之有田無糧及地肥糧輕者自無不加昔之有糧無田及地磽糧重者自無不去上蒙知遇下慊民心固無異議矣其後民間家道不能無消長地畝不免有貿易本職於凡有貿易者又令買主賣主各執原額地單赴縣清源鄉志

卷十七上

五

當官開收賣主單上則於所賣某段地糧圖下開寫某年月日賣與某都某甲某人訖用印鈐蓋仍給賣主收執又於買主原領單尾續單一幅收地一段卽於圖下開寫某年月日買某都某甲某人地糧亦用印鈐蓋仍給買主收執俾地糧終難泯滅法雖立矣顧天下之事靡不有初鮮克有終成始之功近而成終之功遠凡我後之君子宰是邑者其愛民一念當必尤有切於本職者其於在庫冊籍定不付書吏之手其於民間地單定不準其

私相開收所謂此法之終不可變者定能保始如終不以本職之人廢法也是本職成始之功止及一時後之君子成終之功垂之無既其賢於本職也遠矣爲此合關本縣煩爲遵照刊石豎立本衙以垂永久備關到縣擬合依式將縣都甲總地糧目類刊石施行

修城記

知縣 邵 蒞 蒲臺人

萬曆十九年正月初四日知縣邵蒞申稱爲及時築濬城池以備虜患事竊照本縣彈丸小邑密邇

清源鄉志

卷十七上

六

邊方有北城一座周圍六里二百步城內東半地勢灣下無居民遇有淫雨止爲注水之區昔有東門填塞年久其西半除公署廟宇縣治儒學外居民僅僅二百餘家城垣北面及東西二面俱高三丈餘勢堪保障其南面城垣頽下與南關城垣聯接登上北城勢如階梯非惟南城不堪固守致北城亦不足以保障況城外周圍無城濠其何以捍外而禦內乎去歲北虜犯入臨鞏殞將損兵誠可寒心若不及時濬池築城儻秋高有警何所恃以

無恐哉卑職備員一方生民寄命責任奚辭夙夜
惶懼預爲未雨綢繆之計將欲高築南關城堡據
周圍二里二百四十八步工程繁浩兼以小民寡
而且貧似難爲力合無將北城南面加築高厚猶
夫東西北面其南城東西聯接北城之處高建敵
樓各一座南城萬一不守恃有敵樓雄峙預備弓
箭木石則北城可以無患矣至於北城東面外內
並無居民實爲要害之衝再乞開闢東城門一座
上建城樓內填濬池外建關廂招募多民居住以

爲保障城池之助仍於城牆下周圍挑濬城濠深
闊所用人工不敢科派里甲亦不敢申動庫銀致
滋弊竇仍照十七年修白石堰之法按九則人戶
派夫如上上門該夫九名上中用則該夫八名每
一則遞減夫一名至下下門止用一名而已上六
則俱有奴僕以代役下三則皆可親身以就工每
夫一名做工一日而止其日用飲食各自供備在
閭閻無科歛之擾在督工無冒破之嫌其敵樓二
座並東城門樓一座合用木植磚石無處置辦查

得本縣城北有山寺二座曰故驛曰仁山俱先朝
創建經今年久殿廡傾圯木植日就朽壞磚石置
於無用乞將已傾木植瓦石借運爲修建城樓敵
樓之用而匠役工食量動在城社倉穀石工完之
日將用過夫役若干木石若干支過匠役工食穀
若干並修築城垣創建城樓備細造冊聽候委員
查勘等因通詳申請院司道府伏蒙詳允奉此隨
於本年二月初三日興工查得本縣城垣外舊有
城濠頗爲深闊因城西三里有白石山口每年秋
雨洶湧未築石堰之先將四面城濠水衝石沙盡
行淤平其淤沙不堪築城之用另於城外隙地擇
選堅土照九則派夫各自備飲食赴工興作並無
科派分文工食總督官本縣典史左傳分管省察
官趙奎光郭捍城秦鑑趙信王學詩劉渭各量地
分土亦無暗行科擾情弊本縣知縣邵蒞縣丞傅
維新朝夕查驗勤惰並工築堅否至五月初九日
將南城牆加厚一丈二尺增高九尺六寸新開東
城門一座重修南城門一座工完其用夫三萬九

千四百二十三名卽放歸農隨於本月初十日用
本縣民壯六十三名損夫三十名撥發與泥水等
匠供役東南二城門各建高樓三間新築南城東
西於南關城堡相聯之處新建敵樓二座合用木
植俱係本縣固驛仁山寺傾圮東西二樓借運修
建至八月二十三日工完訖木匠魏伯進等泥水
匠趙思德等石匠張現等窰匠白天付等鐵匠梁
廷弼等每名每日領在城社倉穀三升其領過穀
一百四十三石九斗四升除城壕候農事收穫務
閒之日照前門則派夫挑濬亦不敢科派工食於
本月二十六日造冊申報照驗訖闔邑父老咸懇
爲記遂查原行申文鐫之於石云

創建奎星樓記

舉人

吳用極

邑人

邑侯白公建奎星樓於南城時邑丞黃君董其事
云役旣竣將勒石以詔將來而請予爲之記先是
縣學久圯侯捐廩飾之已復慨邑之人文不競科
第寥簡乃用形家者言自學宮前畚壤爲道以屬
之城城下築臺階建坊焉學前之坊爲雲路先登

臺之坊爲扶搖直上又緣城內垣甕石爲崇階引而上達於樓飛甍列檻軒其中像奎星而祀之庀徒僇材壯趾崇構工不踰時費不及民而績用就甚盛舉也是不可以無記余惟度土視原候景占緯古人建國立都者多存其法不可誣也要其敦琢勝美會集休祥必迎氣之所開以徵其應而況地宜久鬱之方人翼方休之運合羣情之共奮以赴時之所必興者乎夫事有所待而始期有所適而昌此天人之所齊也茲樓之建其說習傳已久

邑之人力不足以自爲而爲令者又漫然莫之省也侯獨心任之而力能敏於事以克成其盛是必有敦美集祥因其所奮以興之者矣邑之人士登斯樓也鳥革鱗翔龍蟠鳳翥雲蒸曉岫霞映遠湄慮無不焜耀騰歛易其耳目章其物采振地靈應景運以崛起於時則斯樓之勝不且並烈於靡窮也歟易繫賁者曰觀乎天文以察時變觀乎人文以化成天下夫奎之麗天也珠聯璧綴昭回於雲漢之間此文之最著者也祀之以著其像而人文

之生昌碩光顯焉天人之齊其在斯矣是不可以無記

重修儒學記

進士 王灝儒 邑人

清邑溼鹵地也凡牆垣棟宇最易傾圮而學宮近水尤甚至己亥庚子間正殿僅存亦已孳慰不蔽至兩廡齋舍名宦鄉賢諸祠則片瓦隻椽無復存者邑令和公見根本之地成瓦礫之場慨然興嘆輸金三百銳志維新時學博劉君與邑人士亦無不樂輸焉爰庀材鳩工擇人分理一木一石必期

清源鄉志

卷十七上

十一

經久每公餘卽身親督勸不兩閱月而功告成殿祠赫赫孔曼且碩矣是工也修不減於創至於泮池尤昔無而今增者公之善政多多此固其一班云後之蒞斯土者常心公之心則廟貌維新千百年如一日矣公諱羹字鼎實號涵菴直隸內邱人

白龍廟記

知縣 儲方慶 宜興人

白龍神之有功於清源大矣哉始予爲選人時授清源令有先宰清源者因保舉畱輦下爲予言清源事甚悉且云清源之害莫大於白石山水每夏

秋淋潦水發如黃河直衝城之西門居民有漂蕩
憂今白石堰修築可數十年無水患因敘其修堰
本末鳩工集事之勞彙成一書以授予予固心誌
之而尤幸得以仰承其庇也然未有一言及白龍
神廟者予蒞任閱月吏持牒而前曰請發邑之丁
夫修白石堰予默然不應翌日吏白如故至於旬
日吏之交口請修堰者甚迫予瞑目叱之曰是前
某公已修之堰可數十年無患而爾欲予欺以騷
動吾民耶亟發篋中書示之吏俛首而笑仰而言

曰吏何敢欺吾君君以某公之載於書者爲足憑
蓋枉君駕以驗吏言之誠僞誠如君所言吏服罪
可矣予卽日就道抵山口里許下馬行亂石間旣
望見堰堰悉頽壞其闊處至數十丈惟當城之衝
者尤塌毀無遺迹予顧之愕然曰某公云何而若
是哉吏曰自有清源來卽有堰固歲一修者也修
堰不獨某公而某公掠美以愚吾君君何訝爲請
亟治之可一歲無患予旣歎前言之不足信又慮
歲歲修堰爲民病無已時也亟召邑之耆老羣集

公庭而計之謀所以固斯堰者適會秦隴兵興
天子命建威將軍駐牧晉陽以備西陲郡檄屬邑供
糗梁峙芻藁吾民日奔走於饋運冀一息之暇應
修堰工不可得也延及仲秋山水時至城郭瀕於
傾危掾吏皆以不修堰爲予咎予重違眾議出宿
次舍算邑之丁夫令以來年仲春畢役於堰上然
供億日急雅不忍分民之力而人情又難於厭服
因與縣尉徘徊沙石中見有孑然數椽屹立山崖
者問諸土人曰此白龍神廟也予顧尉曰白龍神
清源鄉志

卷十七上

三

廟不應在山中茲山有龍神廟豈以山水爲害大
故立廟於茲假神力捍禦耶今修堰則民重役不
修堰則城壞城壞民困二罪等耳盍祈諸神以紓
吾憂乎乃躬詣廟所再拜求庇於神而復停修堰
夫役蓋從吏莫不竊笑之明年春山水改道而南
去城下十里許東行入於汾河秋水泛溢不及城
郭清民由是知白龍廟之神又明年秋歲大旱祈
禱輒不應予登山謁白龍廟而得雨者再歲復大
稔噫向使清源之民與宰清邑者知白龍神有功

於清如其大歲時修祀以致誠敬則清邑之無水患不自今日始而在上者既以隄防邀虛譽在下者又懵然不知經理之宜徒使閭里豪強與執牘之吏因緣爲奸以勞民爲利藪也豈不悲哉予將以

朝命去官故列其事於石俾後之君子知所鑒戒云爾謹記

東湖記

儲方慶

士之出身加民受朝命從官於四方者宣力之暇

清源鄉志

卷十七上

十四

亦得因其地之山川寓意於游觀以爲後世美談昔賢如任昉杜牧歐陽修蘇軾出典郡邑皆有登臨遺蹟見乎詩歌或覽其形勝創爲亭榭垂諸不朽雖千百世之下猶得想像其遺風而思樂之然皆順民之利以自託於修建功成而後享之然後以文章鳴其意故其書可傳而其地可久也異哉清源之有東湖何其異於古所云耶湖居邑東偏計城市廣狹湖有其二焉父老爲予言縣故無湖湖所占者悉平壤曩時白石水漲不以時疏導悉

歸城東低下處外障以垣牆而內益以泉水故水日增月盛汪洋浩瀚而積成巨浸者數十年於茲矣居民樂其有魚鼈之利潛泳游行於中而令長之來宰是邑者又以西北少水泉之美輒快意於斯湖以爲一隅勝也遂從而文飾之爲游觀之所然而傍湖城垣受水冲激崩塌無完土西岸水侵民居日毀廢每歲夏秋交山水暴發於外湖水氾濫於中則市無行人居無燥土惴惴焉有沈溺憂然則東湖乃清源一大害守斯土者見其汪洋浩濶之勢當戚然以憂有食不下咽之慮而又何暇對景畱情作爲詩篇垂之邑乘耶予以今

清源鄉志

卷十七上

七

皇帝十四年孟春來守茲土旣受事數月凡境內山川風土悉身歷之而東湖在臥榻傍尤所朝夕晤對者故其地形之高下斯湖之本末考之至晰籌內水有所去修西面護城堰障白石水使外水不得入然後繕完城郭整理廬舍使清邑不至煙廢而秦隴兵興晉陽駐牧附近州邑之民日夜輦運

芻粟以供師旅猶懼不給凡吾意中所經畫者悉阻於時會未可遽行及平涼歸命晉地少甯中丞又以吏議去官屬邑皆有震色無暇爲久遠計遷延及於戊春吏事稍暇將伸本志謀塞此湖而朝命猝臨亟去茲土竟使三年中夙夜思慮將爲清土計者不得一開其端遂委之而去是誠予之愆也夫然而東湖之名業已載在邑志作爲咏歌竊恐後之君子不察斯湖之有害且非天地生成之水乃山河流漲所積不可不早爲放洩以存清邑

清源鄉志

卷十七上

六

一撮土者而徒事目前之美觀頓忘守土之大計則凡蒞斯邑者皆不免於有戾而予亦在其中矣故敢筆之於篇以俟後之君子云爾至於山水映帶之妙魚鳥花月之情昔賢述之詳矣予又何辭焉

邑侯程公德政去思記

進士

劉祚長

邑人

士君子出身司民牧德及萬人而不自有其德功著一方而不自見其功使人思而感感而泣泣而言而不能以自己是惟實心實政入人性情而非

勉強從事於耳目之前而苟且求名者之所可致也我邑侯程公以宏材碩抱來尹吾清甫下車凡勸善懲惡行利除害可爲百姓造福者次第畢舉不朞月而政平訟理吏敘僚諧可以奏最矣遊宇下者賡樂只頌孔邇焉何天不佑我邑遽奪太公壽公且以讀禮去邑之人瞻望依依有不啻嬰兒之免於懷者輒奔赴上臺號呼投詞以奪情哀懇具題不得恐公旦夕徒跣歸復請新舊交代願少須臾奉公顏色思見德化之成公亦非愬然於眾

但以哀痛切於中而莫之畱耳爰思述公嘉蹟用昭來茲如課士勸農賑貧抑強絕羨餘革行戶禁衙蠹戒賭博以及刊鐸書約崇儉修廢署諸政已載謠刻茲勿贅詳其尤著者今歲大祲適值秦蜀協餉羽檄煩催有窮民苦於輸將呼之不能卽應者公不忍敲扑申請當道力求緩征雖受訶譏弗恤也不得已而出篋笥中物卽殘書敝履盡典質上解俾民得喘息嗣乃哭陳災傷蒙允疏請闔邑

皇仁而慶生全公之賜不又多乎哉嗟嗟可傳者公
之事不可傳者公之心可留者公之澤不可留者
公之身公行矣邑之父老子弟攀留無計送別河
汾與公相視嗚嗚泣各數行下此而能已於思能
已於言耶謹礮西山一片石約畧其巔末以誌不
忘庶後之蒞茲土者亦心公之心行公之行則公
雖去而猶未去矣公諱維屏字憲侯號恕齋直隸
大明府清豐人

重修學宮碑記

知縣 高登陸 府谷人

清源鄉志

卷十七上

十六

聖人而爲萬世師故自王都以及各郡州縣俱建
文廟以肅瞻仰以崇享祀典莫隆焉迨歲久傾圮
賴有人焉起而修舉之雖費不爲侈雖華不爲靡
尊師重道之心人所同具卽人所樂爲也清邑文
廟未詳始建何年考諸縣志順治十七年知縣和
公重修奈地苦濕鹵兼之多歷年所風雨薄蝕頽
垣壞壁不堪寓目余自丙寅歲暮捧檄來蒞茲土
初謁廟卽慨然有興修之志又慮工大費繁未敢
輕舉延及辛未春廟貌日益彫敝因不禁喟然興

嘆曰有廢而不舉守土者之責也且余在茲數年而因循姑待設一旦舍此而去咎將安補爰集廣文先生石公城守司李公捕廳朱公遂並邀闔邑紳衿士庶公議重修捐俸首倡幸得同事諸君子夙有同心爭先踴躍數日卽募得一千六百餘金因而庀材鳩工各任厥職各殫厥心正殿易以門面施以丹雘台階則重新整理兩廡補其殘缺而戟門櫺星門則爲之增高數尺宏大規模非復前此之因陋就簡焉內而崇聖祠則更新起建明倫清源鄉志

卷十七上

九

王先生鼎逸事記

王鼎清源人好高論嗜酒俗人見輒避去文水郭先生文雄者獨喜與之遊鼎擁貲數千金種秫歲釀酒數百石兩人閉門高飲間醒則吟誦書詩以自娛樂與世人絕不復通順治間郭先生為選人於京師是時鼎貲且盡初郭先生意多所忤蕭然寄食於鼎鼎傾囊倒廩以奉郭先生歡郭先生安之其後郭先生為令於崑山鼎適過之郭先生為令清念鼎鼎義不得忘以千金為鼎母壽鼎揮其金

清源鄉志

卷十七上

三

不顧曰君為廉吏而以千金贈我是晚我也義當與君絕拂衣去遊太行山谷間後為小吏於南方曰吾不能折腰牛馬間竟棄去不顧

事載陳文貞公午亭文編

杯泉說

徐溝縣知縣

趙大經

德州人

香巖寺在清源鄉城西馬峪山之半其左有汎泉白石間出涓滴細流不能達遠淳泓石壁下沙淨可鑿度其用可供數人過客之茗飲居人之炊爨咸取給焉戊申二月余攝篆茲邑以事偶至其地酌是泉而甘之問其名土人不能舉余曰嘻此杯

水也其用不廣故其名不立爾今夫導積石過龍門箭激蓬飛不崇朝而千里者吾知其爲河吞雲夢涵洞庭濤驚浪駭流日夜爲未央者吾知其爲江然江水出岷山其源僅可濫觴河發源星宿海沮洳汎濫望之或如椀如盃孟觴與椀盃皆杯類也蒙莊之言曰鼯鼠飲河不過滿腹是故江河之水足飲千萬人千萬人之飲江河則人各一杯足矣今之居茲土過茲山者日不過數人泉之流雖細其淳泓所蓄飲數人且有餘假令一人飲於江河

一杯之外且皆無用則茲泉可供數人之飲又奚以多爲而猥以濛流穉水因其用之不廣遂並其名之不立則是巢父許由可無表見於唐虞之世而容成偃佺又何以流傳於軒帝之時哉然則以杯名茲泉杯之名不爲泉辱泉之用且以杯著矣余因之重有感焉江河之用雖廣且大而河決可以壞田廬江漲可以覆舟艦孰若茲泉葆其山之清不能利物而亦無所謂害童蒙之養自果自育不亦賢乎故旣以二字刻巖石上又從而爲之

說以記之

邑侯范公德政序

進士 陳洛書 邑人

從來以名儒爲循吏卓卓然聲施當時者莫不本諸躬行垂爲家範其後人耳濡目染得所師承一行作吏咸能守高會規矩是說也昔嘗聞之今觀於邑侯范公益信公之曾祖筆山先生以名會元出守延平愛民如子執法如山祖訥齋先生由明經爲閩令號循良太史西屏先生公之父也宰山左時政績不可殫述是時公隨侍左右讀書之暇

清源鄉志

卷十七上

三

每留意政術故於吏治民情聞之至稔歲丁酉公以名進士來治石樓石樓僻處深山地瘠民貧公甫下車輒詢民間疾苦修廢舉墜漸次就緒大吏以公練達明敏則僉以他邑疑難之案委決焉於是賢能日著而上遊之信任益專若臨汾介休永和人尙不憚跋涉來問公起居則德之入人者深也越七年始調徐邑徐地小政繁自乾隆二十九年併清源戶籍改縣爲鄉徐之人以風氣之未浹也

猶分疆界官斯土者亦因徐地近情親而於清稍
疏闊跡罕至焉公一視同仁凡賓興大典及祈穀
禱雨必親詣壇廟行禮至則流連竟日集鄉之紳
耆士庶諄諄誨諭民扶老攜幼環坐而聽霽然如
家人婦子徐邑當孔道郵使絡繹人夫車馬及一
切供帳不無借資於民往時一遇差務胥吏輒因
緣爲奸有不應卽施箠楚及差竣則又故爲畱難
民之急公益形竭蹶公痛懲其弊深加體恤有所
需必再三酌量始向民間取給不使稍有浮冒差

竣卽榜示通衢令其取回而指畱需索之弊從此
遂絕公之慎刑也必其人情罪適當然後懲以敲
扑苟可矜宥雖鞭笞不輕用也聽訟則悉心研鞫
必使眾志輸服而後已待士子以禮其有出入公
庭者又必嚴爲戒飭不稍假借每月朔望進諸生
及童子輩數十人舉古聖賢孝弟忠信嘉言懿行
詳爲指示又以制義爲學人羔雁之資命題面試
評訂甲乙行見士風蒸蒸日上變非公栽培之力歟
書等叨在治下飲和食德無以爲報竊思古之時

有頌美其人因而稱願其壽者詩所謂躋彼公堂稱彼兕觥是已若夫以金爲壽始見於戰國時延至今日則有於初度之辰張設屏幃藻飾諛詞以爲觀美皆非公之所欲也不敢以此溷公惟舉公歷年嘉績昭然在人耳目者畧陳梗槩聊當來暮之歌抑亦見純儒循吏公以一身兼之家學淵源固有所自云

邑侯高公護城石堰去思記

舉人

秦爲龍

邑人

去思何昉乎昉於詩人之思召伯召伯布文王之

清源鄉志

卷十七上

十四

政其詳不可得聞矣後之君子職司民牧有布政之責已去而使人思之不能忘者無過興利防害而已而余邑之害莫甚於白石山水山深谷邃每值暴雨水勢洶湧直衝西城城內窪下居民岌岌我邑侯高公以明銳挺傑之材來治是邦目覩斯害卽有志築防會他務匆匆未逮者數年歲壬申水入西門公引過自責明年春撥夫運石修堰三道西門長一百七十餘尺北門長一百二十餘尺南關西門長七十餘尺俱高五尺厚四尺形如甕

城躬親監督越月告竣退而謂吏曰是役也重煩閭閻民其詈予乎吏謝不敢公曰余鞅掌暇披載籍相形勢數年內此地必遭大浸今爲彈丸土固磐石安雖詈奚恤焉甫再歲而山水浩蕩馳奔雲轟石堰屹然固若苞桑水沿堰而去纍纍數千戶得以安堵無恙者皆公之賜也公之功大矣哉昔鄴令史起興水利史稱循吏第一今觀公之防水害賢於史起其思深慮遠惠澤又疑過之夫水利不興民祇不能享灌溉之利水害不防民卽不能

免漂沒之害防害之與興利其緩急爲何如耶公以甲戌謝事歸父老攀留不獲每遇山水泛漲咸咄咄思公不置卽以公之堰爲召之棠可也公諱登陸字觀宸號北山由選拔登順天甲子舉人聯捷成進士陝西榆林府府谷人

石屋記

秦爲龍

白石山口通陝之衝也踰嶺而西再行五六里土斷川分路如羊腸稍夷處有石屋約兩三楹不斲椽不剪茨有鉅石橫其門狀如棹背後壁立千尺

有微泉自石間出形如綫數折入池池徑丈餘滿而溢有聲潺潺勢如注入屋視之有內有外有巖具有寢所卻無人詢之從者曰此旅舍也西成後糶販者頗多故土人建焉因爲之少憩作此以記之

馬鬣記

秦爲龍

馬鬣者西山之別名也在白馬三地界距鄉城二十里怪石崢嶸峯高數十仞披荆棘踏蒙茸攀折而上層層如階級翠柏滿谷繁陰掩映有寺曰馬

清源鄉志

卷十七上

三

鬣寺後稍北有塔曰文殊塔旁稍西有泉曰馬跑泉漱塔塔枕石石旁可容五六人每風止雨收爽氣襲人蓋勝境也或曰馬跑泉者前此未有有神馬跑地而泉忽湧是以名焉是說也相沿雖久余未信之

西嶺古松記

秦爲龍

西嶺閻家峪隸陽曲與余鄉西鄙隔一嶺是峪也地幽而勢阻人跡罕到余於丙戌歲偶經茲土崎嶇蒼莽中得古松一株亭亭如車蓋翠拔雲霄蔭

鸞巖穴類有心者之所培植取其材堪以充棟樑
卽其舒放可以羈騷人逸士於是低回畱之不能
遽去又怪其不生於通都大邑而植於窮巖僻嶺
日與田夫野老處騷人逸士罕有過而問焉者誰
復知其爲棟樑材哉松乎吾懼其湮沒而老死也
將與枯株朽木同枯株朽木或生於通都大邑又
未必不笑茲松之湮沒也悲夫

創立梗陽書院碑記

太僕寺少卿 徐繼畬 五台人

清源故太原大縣也乾隆中移縣治於徐溝驛因

清源鄉志

卷十七上

三七

以徐溝名縣而改清源爲鄉仍有學官兩地界畫
判然風氣亦迥異徐溝舊無書院山陽立齋程公
來宰是邑爲吾民捍大患靖萑苻均徭役聽訟聽
察如神案無畱牘民情趨向如水赴壑令無不行
言無不聽公以書院爲養育人材之地而徐溝獨
無有欲立書院於縣治則清源距縣治寫遠不能
就學因謀之紳民於縣治金河書院之外別立書
院於清源然縣治附近有顯宦世族又多富室集
腋爲之成事較易清源山水明秀地勢向陽產蔬

菜瓜壺最早自昔多才雋之士而稼圃爲生不解
遠遊服賈故民間恆苦貧公雖謀立書院而未敢
必其事果能成也乃清源士民間之踴躍樂輸兩
月之中得一萬五千金鳩工庀材書院不日落成
遠近聞之詫爲異事公亦謂出乎意外也蓋公信
而後勞其民故勿亟子來惟求有以當公意而財
力皆非所愛不特公不知其所以然卽士民亦不
自知其所以然書所謂民情大可見者其斯之謂
歟公以士民捐項除建修書院講堂學舍之外悉

發商生息爲脩脯膏火修理之資且爲畫立規條
通詳立案山長由紳士公舉官爲送關敦請如平
遙祁縣太谷榆次之例期於日久無弊稽郡縣志
清源爲古梗陽地欲以梗陽命名函商於余余按
梗陽地名見於魯昭公二十八年春秋左氏傳魏
獻子爲政分祁氏羊舌氏之田爲十縣以魏戊爲
梗陽大夫注梗陽在太原晉陽縣南晉陽今之太
原縣清源正在其南則書院以梗陽命名固其宜
也因以鄙見函復於公且爲述書院之緣起公詳

定書院規條勒於碑陰以垂永久焉

新立試事碑記

徐溝縣知縣程 豫 山陽人

爲新定章程以終童試事照得積學頻年雪案爲橫經之地舒翹詰旦風簷乃校藝之場縱云八斗多才請萬言而可待未有三升預選遷兩地以爲良我清源鄉文武童試向係先考正場於本處城隍廟內案出後再至徐溝以終試事在諸童旣經覓寓於此又復賃居於彼遷移多事往返滋勞且廟宇乃神靈依德之區非童隊掄才之所本縣下

車三載蒞試兩番頗憐轉徙之煩莫展便安之策歲甲子闔鄉紳士欲厚文風同倡義舉因梗陽之古邑創書院於崇朝書府墨林規模鴻敞明窗淨几位置停勻蓋清源本文人蔚起之鄉而講舍又多士觀摩之地乃權宜而有術俾成憲以永垂資月課之高閎導雲程之先路旣可牀連上下聽春蠶食葉之聲並堪屋別東西逞秋蚓攢花之意爲此諭仰闔鄉文武童生從今爲始藉書院以作者棚自後無更立新章以垂定制願多士遵循共懍

庶屆期奔走無疲文則筆掃千軍早相須於摩厲
武則躡穿七札各待試於及鋒特示

清源鄉志卷之十七下

藝文下

汾河晚渡

進士王福邑人

禹導汾河歷米陽原因奔潰不橋梁斜陽過客趨
船急薄暮舟師舉棹忙水面楫篙搖暝色渡頭車
馬候餘光往來利濟今猶昔欵乃聲中歲月長

中隱環青

半山雄峙梵王宮疊嶂周遭聳碧空雨過新添松
鬱鬱春來綠重草蔥蔥四圍寒黛煙霞外萬仞晴

清源鄉志

卷十七下

三

嵐霧靄中勝地天開何所擬匡廬太華與崆峒

平泉流碧

山麓泉名不老池珠璣萬斛利三時多分溝澮翻
清浪細引圍畦漾碧漪晴日照時光豔豔東風吹
處綠差差多應通得驪山脈冬日如湯煖更奇

陶唐古跡

舊是陶唐治歷城今無遺跡止畱名因經世遠濠
池滿爲歷年深雉堞平但聽蛩螿悲月夜惟聞禾
黍起秋聲鄉人尙感遺風厚猶建荒祠獻酒羹

白石雲松

白石名山遠近傳喬松生遍不知年四時不改含
煙操千載常同傲雪鮮翠蓋亭亭濃蔽日青梢鬱
鬱上參天良材連抱皆樑棟效貢應須獻帝前

青堆煙草

殘堆傳是蠻王墓世遠荒涼蔓草中華表夷平蒼
薺合奠臺傾廢綠苔蒙蓬蒿冉冉迷寒霧荆棘森
森動晚風牧豎稚童時躑躅令人於悒正無窮

清湖十景詩

有序

貢生

王象極 邑人

清源鄉志

卷十七下

三

湖大陂也清之有陂居然湖矣從未有以湖名
者余生也晚每全守一兄朝夕其閒見一碧渟
泓印山吞月魚遊鳥翔草樹依依映帶遠邇雨
後登樓一眺空翠無涯城中有此勝槩殊足嘉
也辛未春約二三友人置一葉以航之擊空浮
碧備極觀遊時讀書於上有風月無私閒我卽
爲私我湖山誰主遊人便是主人之句因卽以
清湖名之守一子曰得之矣象形命物本地風
光後有作者誰其易之夫斯名也人之所同然

也敢謂如李謫仙之名九華爲報獲哉拈湖之
景畧得其十因爲詩以表之

湖山

湖山壁立倩誰開千丈芙蓉五里來石鏡涵光邀
水鏡玉臺倒影傍歌臺臥看天際青虹遠醉作池
前碧嶂猜勝地不須他處覓梗陽城裏有蓬萊

湖月

停杯搔首問嬋娟幾度清光幾度圓影落湖中深
見底人於舟上俯觀天玉壺春滿煙波冷桂子香

清源鄉志

卷十七下

三

飄衣帶鮮三五佳期休錯過會須暢飲月明前

湖舟

欲濟蒼生何所操影娥池上一鴻毛鴨頭綠酒葡萄
萄熟鷓首青天碧落高雪浪時來王子興嘶波賸
有鄂君豪此中真意無心得日日孤蓬弄短篙

湖樓

危樓百尺蘸湖煙坐對山光色更妍倒榭落暉明
繡浦印潭秋月挂雕簷檻前蕩漾輝無地窗外蒼
茫別有天隻手披雲狂興發星辰摘向斗牛邊

湖雨

何事煙波四望迷
清秋湖上雨淒淒
玉盤賸有千城
逛花岸渾無一鳥
嘯疊浪風中和霧
立奇峯天際與雲
齊來披簑笠閑垂
釣歸棹蘭橈不怕
泥

湖城

城居何必羨幽棲
亦有林泉亦有溪
萬頃鱗波皆斷岸
四圍雉堞是長堤
爨煙暮起多飛北
障日朝穿半落西
最喜夜遊奇絕處
巡鑼擊柝不曾迷

湖樹

清源鄉志

卷十七下

三

我來隔水看圖畫
幾帶晴煙鎖綠叢
樹樹鸞樓明鏡裏
枝枝龍繞碧雲中
楊花暖落三冬雪
柳浪寒生六月風
得意忘言塵世外
情知五柳是陶公

湖草

占得清湖未是貧
萋萋湖草滿湖濱
綠蘋香暖晴偏豔
青芥泉深晚更新
春色連天渾是碧
芳姿映水迴無塵
舟遊不作蓬蒿客
坐攬中洲宿莽頻

湖鳥

寂寞中湖只自知
卻教好鳥弄幽奇
雄雌泛泛求

良友黃白飛飛點綠漪寶鏡流光開熠熠碧天雲
影漾差池閒關水上頻來往見我忘機亦自怡

湖魚

當年傳說養魚池爲問池魚尙有之曉視凌波銜
落蕊夜聞飲月躍流漪縱橫大壑非無意游泳清
溪似待時水面浮萍堪果腹漁人芳餌漫相欺

清源東湖 有序

詩
陽禱窩藻 文端公

邑人王象極有清湖十景詩序云風月無私閒
我卽爲私我湖山誰主遊人便是主人知縣儲

清源鄉志

卷十七下

三

方慶有東湖記云湖居邑東偏城市廣狹湖有
其二焉父老言縣故無湖湖所占者悉平壤曩
者白石水漲悉歸城東外障以垣牆而內益以
泉水故成湖

東湖浩淼城東隅城十里湖五里餘東南北望濬
容與以城爲隄高不孤其利蒲葦蓮藕魚鱉鹽者
瀕湖西居人情愛憎固自殊吾兼取彼王與儲王
曰此湖信可娛琴書一船酒一壺醉吟不管朝及
晡釣竿往往明月俱儲則謂湖實膏腴以山水故

成此洿城垣外蓄泉內噓意欲填之爲平塗俾民
有田且有廬我來臨眺心躊躇登城東指灌稼渠
水有所洩峯不枯或因儲言乃決疏王國達矣儲
豈迂西山窈窕窺闔閭翠鬟瀉鏡慵不梳安得飛
閣凌空虛坐我海嶽之畫圖作詩徑欲袖此湖清
景一失難追逋

早春登清泉寺

同知周世科內江人

深寺峒巖悵莫從獨攜春色破蒙昔山銜遠照淩
孤閣石吐寒泉落萬松僧擁洞雲巢乳窟客拖藜
杖踏晴峯太行千疊蟠三晉一望遙分紫翠重

暮春同客登香巖寺

幾度春遊興未涯更持尊酒傍煙霞香山踏破王
孫草梅雨飛來燕子家勝日一拚人共醉同流還
擬帽同斜望中景色嬌相襲獨愧塵容對落花

重遊香巖寺

嶙峋高閣幾攀躋岸幘重來一杖藜望處忽迷青
嶂迴尊前翻覺白雲低霏微遠樹荒郊外牢落空
城夕照西雅會幸聯山簡騎相拚何惜醉銅鞮

汾河晚渡

知縣和 羹內邱人

汾河不斷水長流車馬喧填古渡頭過景西臨爭
放纜不知何處問歸休

中隱環青

招提四面鎖蒼巒雲去雲來繞戒壇肥遯不須勞
舉爨參差嫩柏可三餐

平泉流碧

一泓澄澈古今流縷析條分滿綠疇若得蟬鳴隨
處是甯煩司牧代民憂

清源鄉志

卷十七下

三七

陶唐古跡

梗陽東去一城圍古帝高踪此地傳野老迄今崇
廟祀塗歌無處不堯天

白石雲松

滿河白石襯青松日亂崕岬隱臥龍到處泉聲催
作賦好乘雙屐趁詩筇

青堆煙草

泉臺頂上草蒼蒼下有占風納賚王莫謂幽魂懷
故國骨畱中土有餘香

東湖夜月

渚閣三清半有無，波光猶自漾冰壺。
何時對影扁舟上，醉倒歸筇倩鶴扶。

西嶺香巖

風入長松響洞簫，天香何處落山腰。
南能禮罷時，跌坐錯認吾身到絳霄。

和諸子雪謠

四望驚蕭索，魂飛不可招。
城空煙井闕，堂靜鶴雲凋。
調顛瑞祈分麥，催耕祝賣刀。
憐予勞撫字，披雪採

清源鄉志

卷十七下

三六

山謠

梗陽官舍

知縣 儲方慶 宜興人

傳舍周圍都是水，人家零亂竟如山。
祇緣地僻堪容懶，誰道官貧卻愛閒。
燕雀競喧堂寂寂，芝蘭空覓草斑斑。
何時得遂歸來志，三徑荒蕪獨往還。

九日清泉寺登高

黃葉黃花簇馬蹄，平泉一路歷高低。
每逢令節容官假，行到空門認客題。
郭外寒雲天漠漠，望中秋氣草萋萋。
茱萸解厄應長佩，滿目蕭條日又西。

汾河晚渡

我來不見汾河渡雪凍沙封土蓋橋今日渡頭凝
望久碧天風落草蕭蕭行人到此車停足舟子招
來水沒腰一片暮雲山盡紫中流穩坐似乘潮

中隱環青

一年幾度到山中四面青山一梵宮夾寺飛泉歸
絕壑入雲高嶺駕長虹登臨有路開樵徑晤對無
心屬畫工多少煙嵐堪領畧吾將大隱與誰同

平泉流碧

不老池邊且濯纓可能洗耳便埋名千章灌木稀
人跡百道流泉和鳥鳴此地自宜耽寂寞使君何
意厭逢迎琴高一去無消息有約來騎海上鯨

陶唐古跡

朝市何年忽變遷秋風禾黍正田田空濠草沒迷
朝雨古堞雲移起暮煙人世暗消耕鑿裏帝王只
在酒漿前行宮已改荒祠壞憑弔何須聽杜鵑

白石雲松

白石巖前幾度過喬松不見可如何銷沈處處悲

浮梗牢落時時歎逝波亂草暗侵沙徑軟滯泉奔
放雨聲多傳聞當日生雲霧對景蒼涼發浩歌

青堆煙草

煙草淒迷何處是北邙今已變平原空村寂寂無
人影野岸荒荒有鬼魂世態漫隨汾水去土風惟
見石羊存梅安身死難歸國化鶴重來識墓門

潁州府士民送牛公西園詩

公諱映奎官
潁州府知府

自古重龔黃循良名不朽繼起有偉人爭傳牛太
守畋漁在百家山深搜二酉學問純粹精真誠推

孝友道德為經綸功名誰其偶爭迎郭細侯福星
來金斗清慎勤居先果達藝兼有斷案筆旋風拘
稱霹靂手花落訟庭間植禾先拔莠法律重科條
存心特忠厚惟公培士林教以名節首惟公重農
桑咨嗟勤百畝惟公來百工餼廩分好醜惟公卹
商賈有法無征取男皆視為兒女皆視如婦罔極
等昊天此之謂父母菽水親承歡米多百里負願
盡孝養心而公曰否否受之不為貪內省恐多疚
戰戰慄冰壺此心絕塵垢三年治已成公車迫催

趣潁水播仁聲安得親組綬慈雲縹緲間瞻望如
左右誠使格蒼穹使君還我受披霧豁青天合浦
珠先瀏其獻太乙盃惟祝南山壽詩曰萬斯年昌
熾縣爾後

堯城懷古

太原知府 羅纒典

偶詢壤叟問衢童古帝遺墟想像中懸壺山空環
晉水同戈驛小近唐風嶺雲似繪重光瑞野草猶
懷屈軼忠我亦中天舊氓庶堯樽於此酌應同

清源風景詩十首

舉人 路宜中 邑人

清源鄉志

卷十七下

四十一

汾水一方故梗陽男耕女織總農桑年年穡事勤
于昔想見唐風第一章

東澗之水綠如油半映青山半映樓比似西湖歌
舞好荷花滿地一漁舟

梗陽城下湧芹泉一水漣漪數頃田不道秋闈文
有價年年預卜並頭蓮

中隱山中古寺藏棘軒勝事委滄桑幾人載酒尋
花去直把仙鄉作醉鄉

磷磷皓皓石峩峩白石山中白石河河水出山分

南北南條竟比北條多

無梁寺古殿無梁鳥道崎嶇達上方每值初秋廿九日遊人共熱佛前香

葡萄疊架勢綿延屠賈溝東馬峪前行盡山村頻舉首緣陰冉冉不知天

沿山一帶盡桃園灼灼天天嫩日暄兩岸繽紛舟一葉此身恍到武陵源

石洞訇然問牧人香巖佛像本來神只因覺世婆心苦不現金身現石身

清源鄉志

卷十七下

聖一

居民鑿井復耕田古帝遺城話昔年不識不知忘帝力熙熙依舊樂堯天

邑侯銀公少李

名抗

冬日遊清泉寺唱和詩

重來小峪叩僧扉細石陂陀行徑微繞樹風聲生
遠籟銜山日色戀餘暉池中宿水俱成凍窗下眠
琴未脫衣讀罷不妨彈一曲知音莫道世間稀

無僧無俗總情親方外何須問主賓開徑最難來
二仲到門不速恰三人巡行未慰溝中瘠勸領空
傾甕底春他日淵明賦歸去雪泥畱與證前因

江右許觀瀾步原韻

蕭齋鎮日掩松扉
落葉荒苔接翠微
正擬開窗看積雪
忽逢聯騎踏斜暉
彎環門外羊腸徑
瀟灑公餘鶴氅衣
觴酒莫辭今夜醉
山中得句賞音稀
小別移時意轉親
相逢翻讓主爲賓
天涯萬里誰知己
燈火一菴此故人
把盞笑回天上月
坐花分與洞中春
遠公不禁淵明酒
蓮社從今證夙因

銀寶林步原韻

蒼松深處隱禪扉
泉涸冰凝澗水微
舊雨幾回勞

別夢望雲時復立
斜暉馬行苔徑風生谷
人在花間香滿衣
盛會難逢須盡樂
流觴不覺漏聲稀
枝頭好鳥亦相親
況與山僧作主賓
卜夜同來皆雁侶
司晨遮莫報雞人
詩探奴子囊中句
花燦先生舌底春
一醉微醺多妙想
欲從金粟問來因

